



La grupp victura en il champ D è quella da Tumeagl: Mauro Ardüser, Urs Nauli, Dirk Frischknecht, Hansruedi Giger e Carl Frischknecht (da san.).

# Pulita surpraisa en il champ A

Cuira: Tir final grischun da gruppas

DA GION NUTEGN STGIER / ANR

■ **Alvra e Tumeagl èn las societads victuras sin la distanza da 300 m e Cuira ha gudagnà la concorrenza tar las pistolas 25 m e 50 m. Tratg bain han er las gruppas sursilvanas sin la distanza da 300 m. Gist 11 èn sa qualifitgadas per l'emprima runda nazionala. Ferm han er sajettà ils tshintg tiradurs da Sent.** Per ils tiradurs da noss chantun è ina occurrenza da gronda muntada gia stada sonda. Il final chantunal da gruppas è en il Grischun il tir dals tirs e quai per giuven e vigl. En cumparaziun cun l'onni passà han ils matscheurs grischuns sajettà pli precis e fatg megliers resultats. Sin la distanza da 300 m han ils passa 200 tiradurs tratg sonda pli ferm en l'emprima da las duas rundas. Las relaziuns èn ina giada dapli stadadas pretensiusas, ina glisch inquiete e sco adina bler vent al Rossboden.

**La grupp da Laax-Falera ha persvas** En il champ A 300 m gudogna per l'emprisa giada la grupp da l'Alvra e procura uschia per ina gronda surpraisa. Als tshintg tiradurs èsi reussi da far cun 1910 puncts quatter puncts dapli che la grupp da Cuira sco defensura dal titel da campiu grischun. Remacabel è bain che omaduas gruppas han mintgina gi in tiradur che ha tratg in culp sin la schiba vischina e tuttina ha i tanschi per la victoria e per in plaz sin il podest. Ina pitschna dischillusiun è segir il resultat da la grupp da Favugn, il grond favorit en quel final da l'arma da standard. Sin la grupp

victura dal Grischun central perda Favugn cun 1901 puncts tuttina nov puncts. Tratg plitost magher ha *Georg Maurer*, el che tutga en noss chantun tar in dals gronds matscheurs ed è il capotiradur da la grupp da Favugn. Cuira e Favugn èn cun Haldenstein da preschent segir las uniuns da tir cun tiradurs da la classa superiura. En quella categoria è la grupp da Laax-Falera stada a Cuira la pli ferma grupp sursilvana cun il 6avel post ed ha ina giada dapli obtegni in plaz en ils top diesch. Las uniuns da tir Castrisch, Degen, Sumvitg e Ruschein cumpleteschan il quintet sursilvan che vegn proximamain a sa participar a la concorrenza da gruppas svizra.

### Danovamain Tumeagl

Sa qualifitgadas per il final dal champ D, arma da militar, eran 24 gruppas. Da defender il titel aveva la grupp cun ils tshintg tiradurs da Tumeagl. Quai è reusi als campiu grischuns da l'onni passà e quai cun in pulit avantatg sin la grupp da Castrisch, ella ch'è daventada vicecampiunessa grischuna. Sajettà excellent per la grupp victura ha en spezial *Carl Frischknecht* cun duas passas da 145 e 144 puncts. Ils tshintg umens da Castrisch han desditg en la segunda runda cun be far in resultat da 683 puncts, era ella suenter l'emprima runda anc cun 691 puncts a la testa da la rangaziun intermedia. Tumeagl aveva scrit be 687 puncts e lura en la segunda runda fatg cun 696 in resultat sensaziunal. Ils tiradurs da Sent, quels èn adina candidats

per in plaz sin il podest ed er sonda tar il final grischun da grupaps han els cuntanschi cun 1368 puncts il terz post. Tshintg ulteriuras uniuns sursilvanas èn er anc sa qualifitgadas per l'emprima da trais rundas nazionalas. Quai èn: Versomi duas gruppas, Laax-Falera, Degen e Ruschein. Mancà be per trais puncts (17avel post) la qualifitaziun ha la grupp da Duin, ella che aveva avant in onni procurà cun il terz post bunamain per ina sensaziun en il champ D. Naginas surpraisas ha i dà tar las pistolas cun gudagnar omaduas disciplinas, 25 m e 50 m, la grupp da Cuira.

### Resultats

#### Champ A, 300 m arma da sport

1. Alvra, 1910, 2. Cuira, 1906, 3. Favugn, 1901, 4. Haldenstein, 1898, 5. Andeer, 1881, 6. Laax-Falera, 1878, 7. Castrisch, 1878, 8. Degen, 1877, 9. Tavau, 1875, 10. Haldenstein, 1874, 11. Sumvitg, 1874, 12. Ruschein, 1872 (quellas gruppas èn qualifitgadas per l'emprima runda nazionala).

#### Champ D, 300 m arma da militar

1. Tumeagl, 1383, 2. Castrisch, 1374, 3. Sent, 1368, 4. Crusch (Grüsch), 1362, 5. Bregaglia, 1361, 6. Versomi Signina, 1357, 7. Samignun, 1356, 8. Monstein, 1355, 9. Scharans, 1353, 10. Laax-Falera, 1349, 11. Tumleatga interna, 1348, 12. Tavau, 1345, 13. Versomi Signina, 1344, 14. Degen, 1340, 15. Ruschein, 1338, 16. Cuira, 1337 (quellas gruppas èn qualifitgadas per l'emprima runda nazionala).

#### Pistola 25 m

1. Cuira, 2, 1121, 2. St. Antönien, 104, 3. Cuvlignas, 1092.

#### Pistola 50 m

1. Cuira, 736, 2. Cuvlignas, 730, 3. Igis-Landquart, 717.



Els èn ils victurs tar la categoria A cun l'arma da sport: Renato Gruber, Markus Margreth, Hardi Gruber, Claudio Brazzerol, Urs Brazzerol e Benno Gruber (da san.).



Tratg ferm cun l'arma da sport han er ils tiradurs da Laax-Falera: Erwin Vincenz, Rumetg Cathomen, Leonhard Casutt, Renatus Casutt e Rinaldo Pelican (da san.).



La Bregaglia era represchentada a Cuira en il final cun duas gruppas.



Adina da la partida al grond final: Tarcisi Cadruvi (a san.) ed Ignaz Caduff.



Terz post per ils tiradurs da Sent en la categoria arma da militar: Ueli Krebs, Jakob Gartmann, Andri Krebs, Men Benderer e Gian Marco Raisun (da san.).



E qua trais tiradurs ed ina tiradura da la grupp da Duin: Peter Camenisch, Laura Capeder, Remo Capeder e Corsin Capeder (da san.).